

摘藻堂四庫全書薈要

集部

欽定四庫全書薈要卷一萬七千五百六十八

集部

御定全唐詩卷一百六十三

李白

關山月

明月出天山蒼茫雲海間長風幾萬里吹度玉門關  
漢下白登道胡窺青海灣由來征戰地不見有人還  
戍客望邊色一作思歸多苦顏高樓當此夜歎息未應閒  
一作還

獨漉篇

獨漉水中泥水濁不見月不見月尚可水深行人沒越  
鳥從南來胡鷹亦北渡我欲彎弓向天射惜其中道失  
歸路落葉別樹飄零隨風客無所托悲與此同羅幃舒  
卷似有人開明月直入無心可猜雄劍挂壁時時龍鳴  
不斷犀象繡澀苔生國耻未雪何由成名神鷹夢澤不  
顧鷓鴣為君一擊鵬搏一作搏鵬九天

登高丘而望遠

登高丘望遠海六螯骨已霜三山流安在扶桑半摧折  
白日沈光彩銀臺金闕如夢中秦皇漢武空相待精衛  
費木石鼃鼃無所憑君不見驪山茂陵盡灰滅牧羊之  
子來攀登盜賊劫寶玉精靈竟何能窮兵黷武今如此  
鼎湖飛龍安可乘

陽春歌

長安白日照春空綠楊結烟垂裊風披香殿前花始紅  
流芳發色繡戶中繡戶中相經過飛燕皇后輕身舞紫

宮夫人絕世

一作代

歌聖君三萬六千日歲歲年年奈樂

何

楊叛兒

君歌楊叛兒妾勸新豐酒何許最關人  
烏啼白門柳烏啼隱楊花君醉留妾家  
博山爐中沈香火雙煙一氣凌紫霞

雙燕離

雙燕復雙燕雙飛令人羨玉樓珠閣不獨棲  
金窗繡戶

長相見柏梁失火去因入吳王宮吳宮又焚蕩離盡巢  
亦空憔悴一身在孀雌憶故雄雙飛難再得傷我寸心  
中

山人勸酒

蒼蒼雲松落落綺皓春風爾來為阿誰蝴蝶忽然滿芳  
草秀眉霜雪顏桃花骨青髓綠長美好

一作秀眉雪霜  
桃花貌青髓綠

髮長美好稱是秦時避世人勸酒相歡不知老各守麋

一作兔

鹿志耻隨龍虎爭歛起佐太子漢王

一作皇

乃復驚顧謂

戚夫人彼翁羽翼成歸來商

一作南

山下泛若雲無情舉

觴酌巢由洗耳何獨

一作太

清浩歌望嵩嶽意氣還

一作遙

相傾

### 于闐採花

于闐採花人自言花相似明妃一朝西入胡胡中美女  
多羞死乃知漢地多名姝胡中無花可方比丹青能令  
醜者妍無鹽翻在深宮裏自古妬蛾眉胡沙埋皓齒

### 鞠歌行

玉不自言如桃李魚目笑之卞和耻楚國青蠅何太多  
連城白璧遭讒毀荆山長號泣血人忠臣死為刖足鬼  
聽曲知甯戚夷吾因小妻秦穆五羊皮買死百里奚洗  
拂青雲上當時賤如泥朝歌鼓刀叟虎變磻谿中一舉  
釣六合遂荒營丘東平生渭水曲誰識一作數此老翁奈  
何今之人雙目送飛一作征鴻

幽澗泉

拂彼白石彈吾素琴幽澗愀兮流泉深善手明徽高張

清心寂歷似千古松颼颼兮萬尋中見愁援弔影而危  
處兮叫秋木而長吟客有哀時失職一作志而聽者淚淋  
浪以霑襟乃緝商綴羽潺湲成音吾但寫聲發情於妙  
指殊不知此曲之古今幽澗泉鳴深林

王昭君二首

漢家秦地月流影照

送一作

明妃一上玉關道天涯去不

歸漢月還從東海出明妃西嫁無來日燕支長寒雪作  
花蛾眉憔悴沒胡沙生乏黃金枉圖畫死留青塚使人

嗟

昭君拂玉鞍上馬啼紅頰今日漢宮人明朝胡地妾

中山孺子妾歌

中山孺子妾特以色見珍雖然不如延年妹亦是當時  
絕世人桃李出深井花豔驚上春一貴復一賤關天豈  
由身芙蓉老秋霜團扇羞網塵戚姬髡髮一作入春市  
萬古共悲辛

荊州歌

一作樂

白帝城邊足風波瞿塘五月誰敢過  
荊州麥熟繭成蛾  
縹絲憶君頭緒多撥穀飛鳴奈妾何

雉子斑

一作設辟邪伎鼓  
吹雉子斑曲辭

辟邪伎作鼓吹驚雉子班之奏曲成  
喔咿振迅欲飛鳴  
扇錦翼雄風生雙雌同飲啄趨悍誰能爭  
乍向草中耿  
介死不求黃金籠下生天地至廣大  
何惜遂物情善卷  
讓天子務光亦逃名所貴曠士懷朗然  
合太清

相逢行

相逢紅塵內高揖黃金鞭萬戶垂楊裏君家阿那邊

有所思

一作古有所思行

我思仙

一作佳

人乃在碧海之東隅海寒多天風白波連

山一作天

倒蓬壺長鯨噴湧不可涉撫心茫茫淚如珠西

來青鳥東飛去願寄一書謝麻姑

久別離

別來幾春未還家玉窗五見櫻桃花況有錦字書開緘  
使人嗟至此腸斷彼心絕雲鬢綠鬢罷梳一作攬結愁如

回颺亂白雪去年寄書報陽臺今年寄書重相催東風  
兮東風為我吹行雲使西來待來竟不來落花寂寂委  
青苔

白頭吟

錦水東北流波蕩雙鴛鴦雄巢漢宮樹雌弄秦草芳寧  
同萬死碎綺翼不忍一作分雲間兩分張此時阿嬌正嬌  
妬獨坐長門愁日暮但願君恩顧妾深豈惜黃金買詞  
一作將買賦相如作賦得黃金丈夫好新多異心一朝將聘

茂陵女文君因贈一作賦白頭吟東流不作西歸水落花

辭條羞故林兔絲固一作本無情隨風任傾倒誰使女蘿

枝而來強縈抱兩草猶一心人心不如草莫卷龍鬚席

從他生網絲且留琥珀枕或有夢來時覆水再收豈滿

杯棄妾已去難重迴古來得意不相負祇今惟見青陵

臺一作錦水東流碧波蕩雙鴛鴦雄巢漢宮樹鳴弄秦

草芳相如去蜀謁武帝赤車駟馬生輝光一朝再覽

大人作萬乘忽欲凌雲翔聞道阿嬌失恩寵千金買賦

要君王相如不憶貧賤日位高金多聘私室茂陵妹子

皆見求文君歡愛從此畢淚如雙泉水行墮紫羅襟五

更難三唱清晨白頭吟長吁不整綠雲鬢仰訴青天哀

怨深城崩祀梁妻誰道土無心東流不作西歸水落花  
辭枝羞故林頭上玉燕釵是妾嫁時物贈君表相思羅  
袖幸時拂莫捲龍鬚席從他生網絲且留琥珀枕還有  
夢來時鸚鵡裏在錦屏上自君一挂無由披妾有秦樓  
鏡照心勝照井願持照新人雙對可憐影覆水却收不  
滿杯相如還謝文君迴古來得意不相負祇今惟有青  
臺陵

採蓮曲

若耶谿傍採蓮女笑隔荷花共人語日照新妝水底明  
風飄香袂一作袖空中舉岸上誰家遊冶郎三三五五暎  
垂楊紫駟嘶入落花去見此踟躕空斷腸

臨江王節士歌

洞庭白波木葉稀燕鴻始入吳雲飛吳雲寒燕鴻苦風

號沙宿瀟湘浦節士悲秋

一作感

淚如雨白日當天心照

之可以事明主壯士憤雄風生安得倚天劍跨海斬長

鯨

司馬將軍歌

以代隴上健兒陳安

狂風吹古月竊弄章華臺北落明星動光彩南征猛將

如雲雷手中電擊

一作曳

倚天劍直斬長鯨海水開我見

樓船壯心目頗似龍驤下三蜀揚兵習戰張虎旗江中  
白浪如銀屋身居玉帳臨河魁紫髯若戟冠崔嵬細柳  
開營揖天子始知灞上為嬰孩羌笛橫吹阿鞞迴向月  
樓中吹落梅將軍自起舞長劔壯士呼聲動九垓功成  
獻凱見明主丹青畫像麒麟臺

君道曲

梁之雅歌有五  
篇今作一章

大君若天覆廣運無不至軒后爪牙嘗先太山稽如心  
之使臂小白鴻翼於夷吾劉葛魚水本無二土校

一作  
扶

可成墻積德為厚地

結襪子

燕南壯士吳門豪  
筑中置鉛魚  
隱刀感君恩  
重許君命  
太山一擲輕鴻毛

結客少年場行

紫燕黃金瞳啾啾

一作稜稜

搖綠髮平明相馳逐  
結客洛門

東少年學劒術  
凌轢白猿公  
珠袍曳錦帶  
七首插吳鴻  
由來萬夫勇  
挾此生雄風  
託交從劇孟  
買醉入新豐  
笑

盡一杯酒殺人都市中羞道易水寒從

徒一作

今日貫虹

燕丹事不立虛沒秦帝宮舞陽死灰人安可與成功

長干行二首

妾髮初覆額折花門前劇郎騎竹馬來遶牀弄青梅同居長千里兩小無嫌猜十四為君婦羞顏未嘗

一作尚不開

低頭向暗壁千喚不一迴十五始展眉願同塵與灰常

存抱柱信豈

一作耻

上望夫臺十六君遠行瞿塘灩澦堆

五月不可觸猿聲

一作鳴

天上哀門前遲

一作舊

行跡一一

生綠

一作蒼

苔苔深不能掃落葉秋風早八月胡蝶來

一作

黃雙飛西園草感此傷妾心坐愁紅顏老  
早晚上三巴  
預將書報家相迎不道遠直至長風沙

憶妾

一作昔

深閨裏煙塵不曾識嫁與長干人沙頭候風

色五月南風興思君下

一作在

巴陵八月西風起想君發

揚子去來悲如何見少離別多湘潭幾日到妾夢越風  
波昨夜狂風度吹折江頭樹  
綠綠暗無邊行人在何處  
好乘浮雲驄佳期蘭渚東  
鴛鴦綠蒲上翡翠錦屏中  
自

憐十五餘顏色桃花紅那作商人婦愁水復愁風

此篇一作

張潮黃庭

堅作李益

古朗月行

小時不識月呼作白玉盤又疑瑤臺鏡飛在白

一作青雲端

仙人垂兩足桂樹作

一作何

團團白兔擣藥成問言與誰

一作誰與

餐蟾蜍蝕圓影大明夜已殘羿昔落九烏天人清

且安陰精此淪惑去去不足觀憂來其如何悽

一作惻愴

摧心肝

上之回

三十六離宮樓臺與天通  
閣道步行月美人愁烟空思  
疎寵不及桃李傷春風淫  
樂意何極金輿向回中萬  
乘出黃道千旗揚彩虹前  
軍細柳北後騎甘泉東豈  
問渭川老寧邀襄野童但  
慕

一作秋暮

瑶池宴歸來樂未窮

獨不見

白馬誰家子黃龍邊塞兒  
天山三丈雪豈是遠行時  
春蕙忽秋草莎雞鳴西

一作曲

池風摧寒櫓

一作梭

響月入霜

閨悲憶與君別年種桃齊蛾眉桃今百餘尺花落成枯  
枝終然獨不見流淚空自知

白紵辭三首

楊清歌

一作音

發皓齒北方佳人東隣子且

一作旦

吟白紵

停綠水長袖拂面為君起寒雲夜卷霜海空胡風吹天

飄塞鴻玉顏滿堂樂未終館娃日落歌吹濛

一作中

月寒江清夜沈沈美人一笑千黃金垂羅舞榭揚哀音

郢中白雪且莫吟子夜吳歌動君心動君心冀君賞願

作天池雙鴛鴦一朝飛去青雲上

吳刀剪綵

一作綺

縫舞衣明妝麗服奪春暉揚眉轉袖若

雪飛傾城獨立世所稀激楚結風醉忘歸高堂月落燭  
已微玉釵挂纓君莫違

### 鳴雁行

胡雁鳴辭燕山昨發委羽朝度關一一銜蘆枝南飛散  
落天地間連行接翼往復還客居煙波寄湘吳凌霜觸  
雪毛體枯畏逢矰繳驚相呼聞弦虛墜良可吁君更彈

射何為乎

妾薄命

漢帝寵

一作重

阿嬌貯之黃金屋咳唾落九天隨風生珠

玉寵極愛還歇妬深情却踈長門一步地不肯暫迴車

雨落不上天水覆難再

一作重難

收君情與妾意各自東西

流昔日芙蓉花今成斷根草以色事他人能得幾時好

幽州胡馬客歌

幽州胡馬客綠眼虎皮冠笑拂兩隻箭萬人不可干彎

弓若轉月白雁落雲端雙雙掉鞭行遊獵向樓蘭出門  
不顧後報國死何難天驕五單于狼戾好克殘牛馬散  
北海割鮮若虎餐雖居燕支山不道朔雪寒婦女馬上  
笑顏如頰玉盤翻飛射鳥獸花月醉雕鞍旄頭四光芒  
爭戰若蜂攢白刃灑赤血流沙為之丹名將古誰是疲  
兵良可歎何時天狼滅父子得閒安

御定全唐詩卷一百六十三

欽定四庫全書薈要卷一萬七千五百六十九

集部

御定全唐詩卷一百六十四

李白

門有車馬客行

門有車馬賓

一作客

金鞍曜朱輪謂從丹

一作雲

霄落乃是

故鄉親呼兒掃中堂坐客論悲辛對酒兩不飲停觴淚

盈巾歎我萬里遊飄飄三十春空談帝

一作霸

王略紫綬

不挂身雄劍藏玉匣陰符生素塵廓落無所合流離湘

水濱借問宗黨間多為泉下人生苦百戰役死託萬鬼  
隣北風揚胡沙埋翳周與秦大運且如此蒼穹寧匪仁  
惻愴竟何道存亡任大鈞

君子有所思行

紫閣連終南青冥天倪色凭崖望咸陽宮闕羅北極萬  
井驚畫出九衢如弦直渭水銀河清

一作清  
銀河

橫天流不

息朝野盛文物衣冠何翕絕廐馬散連山軍容威絕域  
伊臯運元化衛霍輸筋力歌鐘樂未休

一作  
休明

榮去老還

逼圓光過滿缺太陽移中昃不散東海金何爭西飛

一作

輝

匿無作牛山悲惻愴淚沾臆

東海有勇婦

代關中有賢女

梁山感杞妻慟哭為之傾金石忽整開都由激深情東

海有勇婦何慚蘇子卿學劍越處子超然

一作騰

若流星

捐軀報夫讎萬死不顧生白刃耀素雪蒼天感精誠十

步兩躩

一作跳

躍三呼一交兵斬首掉國門蹴踏五藏行

豁此伉儷憤粲然大義明北海李使

一作府

君飛章奏天

庭捨罪警風俗流芳播滄瀛名

一作志

在列女籍竹帛已

光榮淳于免詔獄漢主為緹縈津妾一櫂歌脫父於嚴

刑十子若不肖不如一女英豫讓斬空衣有心竟無成

要離殺慶忌壯夫所素

一作素所

輕妻子亦何辜焚之買虛

聲豈如東海婦事立獨揚名

### 黃葛篇

黃葛生洛溪黃花自綿幕青烟蔓長條繚繞幾百尺閨  
人費素手採緝作絺綌縫為絕國衣遠寄日南客蒼梧

大火落暑服莫輕擲此物雖過時是妾手中跡

白馬篇

龍馬花雪毛金鞍五陵豪秋霜切玉劍落日明珠袍鬪  
雞事萬乘軒蓋一何高弓摧南山虎手接太行猱酒後  
競風采三杯弄寶刀殺人如剪草劇孟同遊遨發憤去

函谷從軍向臨洮叱咤萬戰場

一作經  
百戰

匈奴盡奔逃

一作

波歸來使酒氣未肯拜

一作

蕭曹羞入原憲室荒淫

一作

徑  
隱蓬蒿

鳳吹笙曲

一作鳳笙  
篇送別

仙人十五愛吹笙，學得崑丘彩鳳鳴。始聞鍊氣餐金液，  
復道朝天赴玉京。玉京迢迢幾千里，鳳笙去去無窮

一作

邊。已欲歎離聲，發絳唇更嗟別調。流纖指此時惜別，詎  
堪聞此地相看未忍分。重吟真曲和清吹，却奏仙歌響  
綠雲。綠雲紫氣向函關，訪道應尋緱氏山。莫學吹笙王  
子晉，一遇浮丘斷不還。

怨歌行

長安見內人出嫁  
友人令余代為之

十五入漢宮花顏笑春紅君王選玉色侍寢金屏

一作錦幘

中薦枕嬌夕月卷衣戀春

一作香

風寧知趙飛燕奪寵恨

無窮沈憂能傷人綠鬢成霜蓬一朝不得意世事徒為

空鷓鴣換美酒舞衣罷雕龍

一作籠

寒苦不忍言為君奏

絲桐腸斷弦亦絕悲心夜忡忡

### 塞下曲六首

五月天山雪無花祇有寒笛中聞折柳春色未曾看曉  
戰隨金鼓宵眠抱玉鞍願將腰下劍直為斬樓蘭

天兵下北荒胡馬欲南飲橫戈從百戰直為銜恩甚握  
雪海上餐拂沙隴頭寢何當破月氏然後方高枕

駿馬似

如一作

風颺鳴鞭出渭橋彎弓辭漢月插羽破天

驕陣解星芒盡營空海霧消功成畫麟閣獨有霍嫖姚  
白馬黃金塞雲砂遶夢思那堪愁苦節遠憶邊城兒螢  
飛秋窗滿月度霜閨遲摧殘梧桐葉蕭颯沙棠枝無時  
獨不見流淚空自知

塞虜乘秋下天兵出漢家將軍分虎竹戰士卧龍沙邊

月隨弓影胡霜拂  
劍花玉關殊未入  
少婦莫長嗟

烽火動沙漠連照甘泉雲  
漢皇按劍起還召李將軍兵

一作殺氣天上合鼓聲隴底聞  
橫行負勇氣一戰淨妖氛

來日大難

來日一身携糧負薪道長  
一作長鳴食盡苦口焦唇今日醉

飽樂過千春仙人相存誘我遠  
學海凌三山陸憩五嶽

乘龍天飛目瞻兩角授以仙  
一作神藥金丹滿握總結蒙

恩深愧短促思填東海強銜一木  
道重天地軒師廣成

蟬翼九五以求長生下士大笑如蒼蠅聲

塞上曲

大漢無中策匈奴犯渭橋五原秋草綠胡馬一何驕  
命將征西極橫行陰山側燕支落漢家婦女無華色  
轉戰渡黃河休兵樂事多蕭條清萬里瀚海寂無波

玉階怨

玉階生白露夜久侵羅襪却下水晶簾玲瓏望秋月

襄陽曲四首

襄陽行樂處歌舞白銅鞮江城回渌水花月使人迷

山公醉酒時酩酊高

一作襄

陽下頭上白接羅倒著還騎

馬

峴山臨漢江水綠沙如雪

一作水色如霜雪

上有墮淚碑青苔

久磨滅

且醉習家池莫看墮淚碑山公欲上馬笑殺襄陽兒

### 大堤曲

漢水臨

一作橫

襄陽花開大堤暖佳期大堤下淚向南雲

滿春風無復

一作復無

情吹我夢魂散不見眼中人天長音

信斷

宮中行樂詞八首

奉詔作明皇坐沈香亭意有所感欲得白為樂章召入

而白已醉左右以水類面稍解援筆成文宛麗精切

小小生金屋盈盈在紫微山花插寶髻石竹繡羅衣每

出一作

深宮裏常隨步輦歸只愁歌舞散

一作罷化作綵

雲飛

柳色黃金嫩梨花白雪香玉樓巢

一作關

翡翠金

一作珠

殿

鎖鴛鴦選妓隨雕

一作朝

輦徵歌出洞房宮中誰第一飛

燕在昭陽

盧橘為秦樹蒲萄出漢宮煙花宜落日絲管醉春風笛

奏龍吟水簫鳴鳳下空君王多樂事還與萬方同

一作何必

中向回

玉樹

一作殿

春歸日

一作好

金宮樂事多後庭朝未入輕輦

夜相過笑出花間語嬌來竹

一作燭

下歌莫教明月去留

著醉嫦娥

繡戶香風暖紗窗曙色新宮花爭笑日池草暗生春綠

樹聞歌鳥青樓見舞人昭陽桃李月羅綺自

一作坐

相親

今日明光裏還須結伴遊春風開紫殿天樂下朱樓豔  
舞全知巧嬌歌半欲羞更憐花月夜宮女笑藏鉤

寒雪梅中盡春風柳上歸宮鶯嬌欲醉簷燕語還飛遲

日明歌席新花艷舞衣晚來移綵仗行樂泥光輝

水綠南薰殿花紅北闕樓鶯歌聞太液鳳吹繞瀛洲素

女鳴珠珮天人弄綵毬今朝風日好宜入未央遊

清平調詞三首

天寶中白供奉翰林禁中初重木芍藥得四本紅紫淺紅通白

者移植於興慶池東沈香亭會花開上乘照夜白太真妃以步輦從詔選梨園中弟子尤者得樂一十六色李龜年以歌檀一時手捧檀板押衆樂前欲歌之上曰賞名花對妃子焉用舊樂詞遂命龜年持金花牋宣賜李白立進清平詞三章白承詔宿醒未解因援筆賦之龜年歌之太真持頗梨七寶杯酌西涼州蒲萄酒笑領歌詞意甚厚上因調玉笛以倚曲每曲徧將換則遲其聲以媚之太真飲罷斂繡巾重拜上自是顧李翰林尤異於學士

雲想衣裳花想容春風拂檻露華濃若非羣玉山頭見  
會向瑤臺月下逢

一枝穠

一作紅

豔露凝香雲雨巫山枉斷腸借問漢宮誰

得似可憐飛燕倚新妝

名花傾國兩相歡長得君王帶笑看解釋春風無限恨  
沈香亭北倚闌干

入朝曲

一作鼓吹  
入朝曲

金陵控海浦淶水帶吳京鏡歌列騎吹颯沓引公卿  
槌鐘速嚴妝伐鼓啟重城天子憑玉几

一作案

劍履若雲行

日出照萬戶簪裾爛明星朝罷沐浴間遨遊閭風亭濟

濟雙闕下歡娛樂恩榮

秦女休行

魏協律都尉左延年所作今擬之

西門秦氏女秀色如瓊花手揮白楊刀

一作清畫殺讐

家羅袖灑赤血英氣

一作聲

凌紫霞直上西山去關吏相

邀遮壻為燕國王身被詔獄加犯刑若履虎不畏落爪  
牙素頸未及斷摧眉伏泥沙金雞忽放赦大辟得寬賒  
何慙聶政姊萬古共驚嗟

秦女卷衣

天子居未央妾侍

一作來

卷衣裳顧無紫宮寵敢拂黃金

牀水至亦不去熊來尚可當微身奉

一作捧

日月飄若螢

之一作

光願君采葑菲無以下體妨

東武吟

一作出東門後書懷留別翰林諸公又作還山留別金門知己

好古笑流俗素聞賢達風方希佐明主長揖辭成功白

日在高天迴光燭微躬恭承鳳凰詔歛起雲蘿中清切

紫霄

一作垣

迴優游丹禁通君王賜顏色聲價凌煙虹乘

輿擁翠蓋扈從金城東寶馬麗絕景錦衣入新豐依

一作

倚巖望松雪對酒鳴絲桐因學揚子雲獻賦甘泉宮天

書美片善清芬播無窮歸來入咸陽談笑皆王公

一本無此

二句一朝去金馬飄落成飛蓬賓客

一作友

日疎散玉樽亦

已空

一作日成空

才力猶可倚

一作恃

不慙世上碓間作東武吟

曲盡情未終書此謝知己吾尋黃綺翁

一作扁舟尋釣翁

邯鄲才人嫁為廝養卒婦

妾本崇

一作叢

臺女揚蛾入丹闕自倚顏如花寧知有凋

歇一辭玉階下去若朝雲沒每憶邯鄲城深宮夢秋月

君王不可見惆悵至明發

出自薊北門行

虜陣橫北荒胡星耀精芒羽書速驚電烽火晝連光虎  
竹救邊急戎車森已行明主不安席按劍心飛揚推轂  
出猛將連旗登戰場兵威衝絕幕殺氣凌穹蒼列卒

陣

赤山下開營紫塞傍孟冬

一作秋

風沙緊旌旗颯凋傷

一作

畫角悲海月征衣卷天霜揮刃斬樓蘭彎弓射賢

一作營

王單于一平蕩種落自奔亡收功報天子行歌

一作歸

咸陽

洛陽陌

白玉誰家郎回車渡天津看花東陌上驚動洛陽人

北上行

北上何所苦北上緣太行磴道盤且峻巉巖凌穹蒼馬  
足蹶側石車輪摧高岡沙塵接幽州烽火連朔方殺氣  
毒劔戟嚴風裂衣裳奔鯨夾黃河鑿齒屯洛陽前行無  
歸日返顧思舊鄉慘戚冰雪裏悲號絕中腸尺布不掩

體皮膚劇枯桑汲水澗谷阻採薪隴坂長猛虎又掉尾  
磨牙皓秋霜草木不可餐飢飲零露漿歎此北上苦停  
驂為之傷何日王道平開顏覩天光

短歌行

白日何短短百年苦易滿蒼穹浩茫茫萬劫太極長麻  
姑垂兩鬢一半已成霜天公見玉女大笑億千場吾欲  
攬六龍迴車挂扶桑北斗酌美酒勸龍各一觴富貴非  
所願與一作人駐顏一作流光

空城雀

嗷嗷空城雀身計何戚促本與鷓鴣羣不隨鳳凰族提  
攜四黃口飲乳未嘗足食君糠粃餘嘗恐烏鳶逐  
涉太行險羞營覆車粟天命有定端守分絕所欲

一作恥  
啄

御定全唐詩卷一百六十四

欽定四庫全書

總校官庶吉士 臣 張能照

校對官檢討 臣 蕭九成

謄錄監生 臣 李 本

欽定四庫全書會要

集部

御定全唐詩卷二百六十九

五至

欽定四庫全書  
御定全唐詩卷一百六十五  
集部

御定全唐詩卷一百六十五

李白

發白馬

將軍發白馬  
旌節度黃河  
簫鼓聒川嶽  
滄溟湧濤

一作洪

波武安有振瓦  
易水無寒歌  
鐵騎若雪山  
飲流涸滹沱  
揚兵獵月窟  
轉戰畧朝那  
倚劔登燕然  
邊烽列嵯峩  
蕭條萬里外  
耕作五原多  
一掃清大漠  
包虎戢金戈

陌上桑

美女渭橋東

一作綳  
綺衣

春還事蠶作五馬如飛龍

一作花

青

絲結金絡不知誰家子調笑來相謔妾本秦羅敷玉顏  
豔名都綠條映素手採桑向城隅使君且不顧况復論  
秋胡寒蟬愛碧草鳴鳳棲青梧託心自有處但怪傍人  
愚徒令白日暮高駕空踟蹰

枯魚過河泣

白龍改常服偶被豫且制誰使爾為魚徒勞訴天帝作

書報鯨鯢勿恃風濤勢濤落歸泥沙翻遭螻蟻噬萬乘

慎出入柏人以為識

一作誠

丁督

一作都

護歌

雲陽上征去兩岸饒商賈吳牛喘月時拖船一何苦水

濁不可飲壺漿半成土一唱督

一作都

護歌心摧淚如雨

萬人鑿盤石無由達江滸君看石芒碭掩淚悲千古

相逢行

朝騎五花馬謁帝出銀臺秀色誰家子雲車

一作中

珠箔

開金鞭遙指點玉勒近遲回夾轂相借問疑

一作知

從天

上來蹙

一作邀

入青綺門當歌共銜杯

一作嬌羞初解珮語笑共銜杯

銜

杯暎歌扇似月雲中見相見不得

一作相

親不如不相見

相見情已

一作已情

深未語可知心胡為守空閨孤眠愁錦

衾錦衾與羅幃纏綿會有時春風正澹蕩暮雨來何遲

願因三青鳥更報長相思光景不待人須臾髮成絲當

年失行樂老去徒傷悲持此道密意毋令曠佳期

一本長相

思下無  
此六句

千里思

李陵沒胡沙蘇武還漢家迢迢五原關朔雪亂邊花

一作

愁見雪如花

一去隔絕國思歸但長嗟鴻雁向西北因

一作飛

書報天涯

樹中草

鳥銜野田草誤入枯桑裏客土植危根逢春猶不死草  
木雖無情因依尚可生如何同枝葉各自有枯榮

君馬黃

君馬黃我馬白馬色雖不同人心本無隔共作遊冶盤  
雙行洛陽陌長劍既照曜高冠何艷赫各有千金裘俱  
為五侯客猛虎落陷穽壯夫時屈厄相知在急難獨好  
亦一作知何益

擬古

融融白玉輝映我青蛾眉寶鏡似空水落花如風吹出  
門望帝子蕩漾不可期安得黃鶴羽一報佳人知

折楊柳

垂楊拂綠水搖豔

一作豔齋

東風年花明玉闕雪葉暖金牕

煙美人結長想

一作恨

對此

一作相對

心淒然攀條折春色遠

寄龍庭前

一作沙邊

少年子

青雲年少

一作少年

子挾彈章臺左鞍馬四邊開突如流星

過金丸落飛鳥夜入瓊樓臥夷齊是何人獨守西山餓

紫騮馬

紫騮行且嘶雙翻碧玉蹄臨流不肯渡似惜錦障泥白

雪關山

一作城

遠黃雲海戍

一作樹

迷揮鞭萬里去安得念

一作戀

春閨

少年行二首

擊筑飲美酒  
劒歌易水湄  
經過燕太子  
結託并州兒  
少

年負壯氣奮烈  
自有時因擊

一作聲

魯句踐爭博  
勿相欺

五陵年少金市東  
銀鞍白馬度春風  
落花踏盡遊何處  
笑入胡姬酒肆中

白鼻騮

銀鞍白鼻騮綠地障泥錦細雨春風花落時

一作春風  
細雨落花

時

揮鞭直

一作且

就胡姬飲

### 豫章行

胡風吹代馬

一作燕人  
攢赤羽

北擁魯陽關吳兵照海雪西討

何時還半渡上遼津黃雲慘無顏老母與子別呼天野

草間白馬

一作百鳥

繞旌旗悲鳴相追攀白楊秋月苦早落

豫章山本為侏明人斬虜素不閑豈惜戰鬪死為君掃

兇頑精感石没羽豈行憚險艱樓船若鯨飛波蕩落星

灣此曲不可奏三軍鬢成斑

沐浴子

沐芳莫彈冠浴蘭莫振衣處世忌太潔至

一作志

人貴藏

暉滄浪有釣叟吾與爾同歸

高句驪

金花折風帽白馬小遲回翩翩舞廣袖似鳥海東來

舍利弗

金繩界寶地珍木蔭瑤池雲間妙音奏天際法蠶吹

靜夜思

牀前明月光疑是地上霜  
舉頭望山月低頭思故鄉

淶水曲

淶水明秋月一作日南湖採白蘋  
荷花嬌欲語愁殺蕩舟

人

鳳凰曲

羸女吹玉簫吟弄天上春  
青鸞不獨去更有攜手人影

滅彩雲斷遺聲落西秦

鳳臺曲

嘗聞秦帝女傳得鳳凰聲是日逢仙子當時別有情人  
吹綵簫去天借綠雲迎曲一作在身不返空餘弄玉名

從軍行

從軍玉門道逐虜金微山笛奏梅花曲刀開明月環鼓  
聲鳴海上兵氣擁雲間願斬單于首長驅靜鐵關

秋思

春陽如昨日碧樹鳴黃鸝蕪然蕙草暮颯爾涼風吹天

秋木葉下月冷莎雞悲坐愁羣芳歇白露凋華滋

春思

燕草如碧絲秦桑低綠枝當君懷歸日是妾斷腸時春風不相識何事入羅幃

秋思

燕支一作關氏黃葉落妾望自一作白登臺海上一作月出碧雲斷

單于一作蟬聲秋色來胡兵沙塞合漢使玉關回征客無歸

日空悲蕙草摧

子夜吳歌

一作子夜  
四時歌

春歌

秦地羅敷女採桑綠水邊  
素手青條上紅妝白日鮮  
蠶飢妾欲去五馬莫留連

夏歌

鏡湖三百里菡萏發荷花  
五月西施採人看隘若耶  
回舟不待月歸去越王家

秋歌

長安一片月萬戶擣衣聲  
秋風吹不盡總是玉關情  
何日平胡虜良人罷遠征

冬歌

明朝驛使發一夜絮征袍  
素手抽針冷那堪把剪刀  
裁縫寄遠道幾日到臨洮

對酒行

松子栖金華安期入蓬海  
此人古之仙羽化竟何在  
浮生速流電倏忽變光彩  
天地無凋換容顏有遷改  
對酒

不肯飲含情欲誰待

估客行

一作樂

海客乘天風將船遠行役譬如雲中鳥一去無蹤跡

擣衣篇

閨裏佳人年十餘  
嚙蛾對影恨離居  
忽逢江上春歸燕  
銜得雲中尺素書  
玉手開緘長歎息  
狂一作征夫猶戍交

河北萬里交河水  
北流願為雙燕泛  
中洲君邊雲擁青  
絲騎妾處苔生紅  
粉樓樓上春風日  
將歇誰能攬鏡看

愁髮曉吹員管隨落花夜擣戎衣向明月明月高高刻  
漏長真珠簾箔掩蘭堂橫垂寶幄同心結半拂瓊筵蘇  
合香瓊筵寶幄連枝錦燈燭熒熒照孤寢有便憑將金  
剪刀為君留下相思枕摘盡庭蘭不見君紅巾拭淚生  
氤氳明年若更征邊塞願作陽臺一段雲

少年行

此詩嚴粲  
云是偽作

君不見淮南少年游俠客白日球獵夜擁擲呼盧百萬  
終不惜報讐千里如咫尺少年游俠好經過渾身裝束

皆綺羅蕙蘭相隨喧妓女風光去處滿笙歌驕矜自言

不可有俠士堂中養來久好鞍好馬乞與人十千五千

旋沽酒赤心用盡為知己黃金不惜栽桃李桃李栽來

幾度春一回花落一回新府縣盡為門下客王侯皆是

平交人男兒百年且樂命何須徇一作書受貧病男兒

讀

百年且榮身何須徇節甘風塵衣冠半是征戰士窮儒

浪作林泉民遮莫枝根長百丈不如當代多還往遮莫

姻親連帝城不如當身自簪纓看取富貴眼前者何用

悠悠身後名

長歌行

桃李待

一作得

日開榮華照當年東風動百物草木盡欲

言枯枝無醜葉涸水吐清泉大力運天地義和無停鞭

功名不早著竹帛將何宣桃李務青春誰能貫白日富

貴與神仙蹉跎成兩失金石猶銷鑠風霜無久質畏落

日月後強歡

一作飲

歌與酒秋霜不惜人倏忽侵蒲柳

長相思

日色已盡花含煙月明欲素愁不眠趙瑟初停鳳凰柱

蜀琴欲奏鴛鴦弦此曲有意無人傳願隨春風寄燕然

憶君迢迢隔青天昔日

一作時

橫波目今成流淚泉不信

妾腸斷歸來看取明鏡前

美人在時花滿堂美人去後空

一作花

餘

一作餘空

牀牀中繡

被卷不寢

一作更不卷

至今三載猶聞香

一作圍餘香

香亦竟不

滅人亦竟不來相思黃葉落

一作盡

白露點

一作濕

青苔

此篇

一作寄遠

猛虎行

此詩蕭士贊云是偽作

朝作猛虎行暮作猛虎吟腸斷非關隴頭水淚下不為

雍門琴旌旗

一作旌旄

繽紛兩河道戰鼓驚山欲顛

一作傾

倒

秦人半作燕地囚胡馬翻銜洛陽草一輸一失關下兵

朝降夕叛幽薊城巨鼇未斬海水動魚龍奔走安得寧

頗似楚漢時翻覆無定止朝過博浪沙暮入淮陰市張

良未遇韓信貧劉項存亡在兩臣蹙到下邳受兵畧來

投漂母作主人賢哲棲棲古如此今時亦棄青雲士有

策不敢犯龍鱗竄身南國避胡塵寶書玉

一作長

劍挂高

閣金鞍駿馬散故人昨日方為宣城客掣鈴交通二千

石有時六博快壯心遶牀三匝呼一擲楚人每道張旭

奇心藏風雲世莫知三吳邦伯皆

一作多

顧盼四海雄俠

兩追隨

一作皆相推

蕭曹曾作沛中吏攀龍附鳳當有時漂

陽酒樓三月春楊花茫茫

一作漢漢

愁殺人胡雛

一作人

綠眼

吹玉笛吳歌白紵飛梁塵丈夫相見

一作到處

且為樂槌牛

槌鼓會衆賓我從此去釣東海得魚笑寄情相親

棄婦詞

一作顧况詩

古來有棄婦棄婦有歸處今日妾辭君辭君遣何去本  
家零落盡慟哭來時路憶昔未嫁君聞君却周旋綺羅  
錦繡段有贈黃金千十五許嫁君二十移所天自從結  
髮日未幾離君緬山川家家盡歡喜孤妾長自憐幽閨  
多怨思盛色無十年相思若循環枕席生流泉流泉咽  
不掃獨夢關山道及此見君歸君歸妾已老物情惡衰  
賤新寵方妍好掩淚出故房傷心劇秋草自妾為君妻

君東妾在西羅幃到曉恨玉貌一生啼自從離別久不  
覺塵埃厚嘗嫌玳瑁孤猶羨鴛鴦偶歲華逐霜霰賤妾  
何能久寒沼落芙蓉秋風散楊柳以比顛顛顏空持舊  
物還餘生欲何寄誰肯相牽攀君恩既斷絕相見何年  
月悔傾連理杯虛作同心結女蘿附青松貴欲相依投  
浮萍失綠水教作若為流不歎君棄妾自歎妾緣業憶  
昔初嫁君小姑纔倚牀今日妾辭君小姑如妾長回頭  
語小姑莫嫁如兄夫

欽定四庫全書

御定全唐詩

御定全唐詩卷一百六十五

欽定四庫全書蒼要卷一萬七千五百七十一

其部

御定全唐詩卷一百六十六

李白

襄陽歌

落日欲沒峴山西倒著接離花下迷襄陽小兒齊拍手  
攔街爭唱白銅鞮傍人借問笑何事笑殺山翁

一作公

醉

似泥鷓鴣杓鸚鵡杯百年三萬六千日一日須傾三百  
杯遙看漢水鴨頭綠恰似葡萄初醖

一作撥

醖此江若變

作春酒壘麴便築糟丘臺千金駿馬換小

一作少

妾笑

一作

醉坐雕鞍歌落梅車傍側挂一壺酒鳳笙龍管行相催

咸陽市中歎黃犬何如月下傾金壘君不見晉朝羊公

一片石龜頭

一作龍

剝落生莓苔淚亦不能為之墮心亦

不能為之哀

一本此下有誰能憂彼身後事金龜銀鴨塋死灰二句

清風朗

一作明

月不用一錢買玉山自倒非人推舒州杓力士鎗李白  
與爾同死生襄王雲雨今安在江水東流猿夜聲

南都行

南都信佳麗武闕橫西關白水真人居萬商羅鄴闌高  
樓對紫陌甲第連青山此地多英豪邈然不可攀陶朱  
與五殺名播天壤間麗華秀玉色漢女嬌朱顏清歌遏  
流雲豔舞有餘閑遨遊盛宛洛冠蓋隨風還走馬紅陽  
城呼鷹白河灣誰識臥龍客長吟愁鬢斑

江上吟

木蘭之枻沙棠舟玉簫金管坐兩頭美酒尊中置千斛  
載妓隨波任去留仙人有待乘黃鶴海客無心隨白鷗

屈平詞賦懸日月楚王臺榭空山丘興酣落筆搖五嶽  
詩成笑傲凌滄洲功名富貴若長在漢水亦應西北流  
侍從宜春苑奉詔賦龍池柳色初青聽新鶯百

轉歌

東風已綠瀛洲草紫殿紅樓覺春好池南柳色半青青  
縈烟嫋娜拂綺城垂絲百尺挂雕楹上有好鳥相和鳴  
間關早得春風情春風卷入碧雲去千門萬戶皆春聲  
是時君王在鎬京五雲垂暉耀紫清仗出金宮隨日轉

天回玉輦繞花行始向蓬萊看舞鶴還過萑石聽新鶯  
新鶯飛繞上林苑願入簫韶雜鳳笙

玉壺吟

烈士擊玉壺壯心惜暮年三杯拂劍舞秋月忽然高詠  
涕泗漣鳳凰初下紫泥詔謁帝稱觴登御筵揄揚九重  
萬乘主謔浪赤墀青瑣賢朝天數換飛龍馬勅賜珊瑚  
白玉鞭世人不識東方朔大隱金門是謫仙西施宜笑  
復宜嚬醜女效之徒累身君王雖愛蛾眉好無奈宮中

妬殺人

幽歌行上新平長史兄粲

幽谷稍稍振庭柯  
涇水浩浩揚湍波  
哀鴻酸嘶暮聲急  
愁雲蒼慘寒氣多  
憶昨去家此為客  
荷花初紅柳條碧  
中宵出飲三百杯  
明朝歸揖二千石  
寧知流寓變光輝  
胡霜蕭颯繞客衣  
寒灰寂寞憑誰暖  
落葉飄揚何處歸  
吾兄行樂窮曛旭  
滿堂有美顏如玉  
趙女長歌入綵雲  
燕姬醉舞嬌紅燭  
狐裘獸炭酌流霞  
壯士悲吟寧見嗟

前榮後枯相翻覆何惜餘光及棣華

西嶽雲臺歌送丹丘子

西嶽崢嶸何壯哉黃河如絲天際來黃河萬里觸山動  
盤渦轂轉秦地雷榮光休氣紛五彩千年一清聖人在  
巨靈咆哮擘兩山洪波噴箭一作流射東海三峯却立如

欲摧翠厓丹谷高掌開白帝金精運元氣石作蓮花雲  
作臺雲臺閣道連窈冥中有不死丹丘生明星玉女備  
灑掃麻姑搔背指爪輕我皇手把天地戶丹丘談天與

天語九重出入生光輝東來蓬萊復西歸玉漿僮惠故人飲騎二茅龍上天飛

元丹丘歌

元丹丘愛神仙朝飲潁川之清流暮還嵩岑之紫烟三十六峰長周旋長周旋躡星虹身騎飛龍耳生風橫河跨海與天通我知爾遊心無窮

扶風豪士歌

洛陽三月飛胡沙洛陽城中人怨嗟天津流水波赤血

白骨相撐如亂麻我亦東奔向吳國浮雲四塞道路賒  
東方日出啼早鴉城門人開掃落花梧桐楊柳拂金井  
來醉扶風豪士家扶風豪士天下竒意氣相傾山可移  
作人不倚將軍勢飲酒豈顧尚書期雕盤綺食會衆客  
吳歌趙舞香風吹原嘗春陵六國時開心寫意君所知  
堂中各有三千士明日報恩知是誰撫長劔一揚睂清  
水白石何離離脫吾帽向君笑飲君酒為君吟張良未  
逐赤松去橋邊黃石知我心

同族弟金城尉叔卿燭照山水壁畫歌

高堂粉壁圖蓬瀛，燭前一見滄洲清。  
洪波洶湧山崢嶸，皎若丹丘隔海望。  
赤城光中乍喜嵐氣滅，謂逢山陰晴後雪。  
迴溪碧流寂無喧，又如秦人月下窺花源。  
了然不覺清心魂，祇將疊嶂鳴秋猿。  
與君對此歡未歇，放歌行吟達明發。  
却顧海客揚雲帆，便欲因之向溟渤。

白毫子歌

淮南小山白毫子，乃在淮南小山裏。  
夜臥松下雲

一作雪

朝餐石中髓，小山連繇向江開。碧峰巉巖綠水迴，余配  
白毫子獨酌流霞杯。拂花弄琴坐青苔，綠蘿樹下春風  
來。南窗蕭颯松聲起，憑厓一聽清心耳。可得見未得親  
八公，攜手五雲去。空餘桂樹愁殺人。

梁園吟

我浮黃雲

一作河

去京闕，挂席欲進波連山。天長水濶厭

遠涉，訪古始及平臺間。平臺為客憂思多，對酒遂作梁  
園歌。却憶蓬池阮公詠，因吟淶水揚洪波。洪波浩蕩迷

舊國路遠西歸安可得人生達命豈暇愁且飲美酒登  
高樓平頭奴子搖大扇五月不熱疑清秋玉盤楊梅為  
君設吳鹽如花皎白雪持鹽把酒但飲之莫學夷齊事  
高潔

一作何用孤  
高比雲月

昔人豪貴信陵君今人耕種信陵墳

荒城虛照碧山月古木盡入蒼梧雲梁王宮闕今安在  
枚馬先歸不相待舞影歌聲散綠池空餘汴水東流海  
沈吟此事淚滿衣黃金買醉未能歸連呼五白行六博  
分曹賭酒酣馳輝歌且謠意方遠東山高臥時起來欲

濟蒼生未應晚

鳴臯歌送岑徵君

時梁園三尺雪  
在清泠池作

若有人兮思鳴臯阻積雪兮心煩勞  
洪河凌兢不可以徑度  
冰龍鱗兮難容舳  
邈仙山之峻極兮聞天籟之嘈  
嘈霜厓縞皓以合沓兮若長風扇海湧滄溟之波濤  
玄猿綠羆舐同舌音演音峯岌危柯振石駭膽慄魄羣呼而相  
號峯崢嶸以路絕挂星辰於巖岌送君之歸兮動鳴臯  
之新作交鼓吹兮彈絲觴清泠之池閣君不行兮何待

若反顧之黃鶴掃梁園之羣英振大雅於東洛巾征軒  
兮歷阻折尋幽居兮越巘萼盤白石兮坐素月琴松風  
兮寂萬壑望不見兮心氛氳蘿冥冥兮霰紛紛水橫洞  
以下淥波小聲而上聞虎嘯谷而生風龍藏溪而吐雲  
寡鶴清淚飢鶩嘔呻鳧獨處此幽默兮愀空山而愁人  
雞聚族以爭食鳳孤飛而無隣蝮蛇嘲龍魚目混珍嫫  
母衣錦西施負薪若使巢由桎梏於軒冕兮亦奚異乎  
夔龍蹶躄於風塵哭何苦而救楚笑何誇而却秦吾誠

不能學二子沽名矯節以耀世今固將棄天地而遺身  
白鷗兮飛來長與君兮相親

鳴臯歌奉餞從翁清歸五厓山居

河南府陸渾縣有鳴臯山

憶昨鳴臯夢裏還手弄素月清潭間覺時枕席非碧山  
側身西望阻秦關麒麟閣上春還早著書却憶伊陽好

青松來風吹古

一作石

道綠蘿飛花覆烟草我家仙翁

一作公

愛清真才雄草聖凌古人欲臥鳴臯絕世塵鳴臯微茫  
在何處五厓峽

一作谿

水橫樵路身披翠雲裘袖拂紫烟

去去時應過，嵩少間。相思為折三花樹。

勞勞亭歌

在江寧縣南十五里古送別之所一名臨滄觀

金陵勞勞送客堂，蔓草離離生道傍。  
古情不盡東流水，此地悲風愁白楊。  
我乘素舸同康樂，朗詠清川飛夜霜。  
昔聞牛渚吟五章，今來何謝袁家郎。  
苦竹寒聲動秋月，獨宿空簾歸夢長。

橫江詞六首

人道

一作言

橫江好儂道，橫江惡一風三日。

一作一月

吹倒山

一作猛風吹  
倒天門山 白浪高於瓦官閣

海潮南去過潯陽牛渚由來險馬當橫江欲渡風波惡  
一水牽愁萬里長

橫江西望阻西秦漢一作楚水東連一作流楊子津白浪如

山那可渡狂風愁殺峭帆人

海神來一作東過惡風迴浪打天門石壁開浙江八月何

如此濤似連山噴雪來

橫江館前津吏迎向余東指海雲生卽今欲渡緣何事

如此風波不可行

月一作日暈天風霧不開海鯨東蹙百川迴驚波一起三

山動公無渡河歸去來

金陵城西樓月下吟

金陵夜寂涼風發獨上高樓望吳越白雲暝水搖空城  
白露垂珠滴秋月月下沈吟久不歸古來相接眼中稀  
解道澄江淨如練令人長憶謝玄暉

東山吟

土山去江寧城二十五里晉謝安攜妓之所一作醉過謝安東山作東山吟

携妓東土山

一作東山去

悵然悲謝安我妓今朝如花月他

妓古墳荒草寒白雞夢後三百歲洒酒澆君同所歡酣  
來自作青海舞秋風吹落紫綺冠彼亦一時此亦一時  
浩浩洪流之詠何必奇

### 僧伽歌

真僧法號號僧伽有時與我論三車問言誦咒幾千徧  
口道恒河沙復沙此僧本住南天竺為法頭陀來此國  
戒得長天秋月明心如世上青蓮色意清淨貌稜稜亦

不減亦不增瓶裏千年鐵柱

一作舍利

骨手中萬歲胡孫藤

嗟予落魄江淮

一作湖

久罕遇真僧說空有一言散盡波

羅夷再禮渾除犯輕垢

白雲歌送劉十六歸山

楚山秦山皆白雲白雲處處長隨君君長隨君君入楚山

裏雲亦隨君渡湘水湘水上女蘿衣白雲堪臥君早歸

一作白雲歌送友人云楚山秦山皆白雲白雲處處長

隨君君今還入楚山裏雲亦隨君渡湘水水上女蘿衣

白雲早臥早

行君早起

金陵歌送別范宣

石頭巉巖如虎踞凌波欲過滄江去  
鍾山龍盤走勢來  
秀色橫分歷陽樹四十餘帝三百秋  
功名事跡隨東流  
白馬小兒誰家子泰清之歲來關囚

一作吹脣虎  
嘯鳳皇樓

金陵

昔時何壯哉席卷英豪天下來  
冠蓋散為烟霧盡金輿  
玉座成寒灰扣劍悲吟空咄嗟  
梁陳白骨亂如麻  
天子龍沈景陽井誰歌玉樹後庭花  
此地傷心不能道目下  
離離長春草送爾長江萬里心  
他年來訪南山老

一作皓

笑歌行

以下二首蘇軾云是偽作

笑矣乎笑矣乎君不見曲如鉤古人知爾封公侯君不見直如弦古人知爾死道邊張儀所以只掉三寸舌蘇秦所以不墾一頃田笑矣乎笑矣乎君不見滄浪老人歌一曲還道滄浪濯吾足平生不解謀此身虛作離騷遣人讀笑矣乎笑矣乎趙有豫讓楚屈平賣身買得千年名巢由洗耳有何益夷齊餓死終無成君愛身後名我愛眼前酒飲酒眼前樂虛名何處有男兒窮通當有

時曲腰向君君不知猛虎不看几上肉洪鑪不鑄囊中  
錐笑矣乎笑矣乎甯武子朱買臣扣角行歌背負薪今  
日逢君君不識豈得不如佯狂人

悲歌行

悲來乎悲來乎主人有酒且莫斟聽我一曲悲來吟悲  
來不吟還不笑天下無人知我心君有數斗酒我有三  
尺琴琴鳴酒樂兩相得一杯不啻千鈞金悲來乎悲來  
乎天雖長地雖久金玉滿堂應不守富貴百年能幾何

死生一度人皆有孤猿坐啼墳上月且須一盡杯中酒  
悲來乎悲來乎鳳皇不至河無圖微子去之箕子奴漢  
帝不憶李將軍楚王放却屈大夫悲來乎悲來乎秦家  
李斯早追悔虛名撥向身之外范子何曾愛五湖功成  
名遂身自退劔是一夫用書能知姓名惠施不肯千萬  
乘卜式未必窮一經還須黑頭取方伯莫謾白首為儒  
生

御定全唐詩卷一百六十六

欽定四庫全書薈要卷一萬七千五百七十二

集部

御定全唐詩卷一百六十七

李白

秋浦歌十七首

秋浦長似秋蕭條使人愁客愁不可度行上東大樓正  
西望長安下見江水流寄言向江水汝意憶儂不遙傳  
一掬淚為我達揚州

秋浦猿夜愁黃山堪白頭清溪非隴水翻作斷腸流欲

去不得去薄遊成久遊何年是歸日雨淚下孤舟

秋浦錦駝鳥人間天上稀山雞羞淥水不敢照毛衣

兩鬢入秋浦一朝颯已衰猿聲催白髮長短盡成絲

秋浦多白猿超騰若飛雪牽引條上兒飲弄水中月

愁作秋浦客強看秋浦花山川如剡縣風日似長沙

醉上山公馬寒歌寧戚牛空吟白石爛淚滿黑貂裘

秋浦千重嶺水車嶺最竒天傾欲墮石水拂寄生枝

江祖一片石青天掃畫屏題詩留萬古綠字錦苔生

千千石楠樹萬萬女貞林  
山山白鷺滿澗澗白猿吟  
君莫向秋浦猿聲碎客心

邏人

一作  
又

橫鳥道江祖出魚梁水急客舟行

一作

疾山花

拂面香

水如一匹練此地即平天  
耐可乘明月看花上酒船  
淥水淨素月月明白鷺飛  
郎聽採菱女一道夜歌歸  
爐火照天地紅星亂紫煙  
赦郎明月夜歌曲動寒川  
白髮三千丈緣愁似个長  
不知明鏡裏何處得秋霜

秋浦田舍翁採魚水中宿妻子張白鷗結置暎深竹

桃波

一作  
波

一步地了了語聲聞閣與山僧別低頭禮白

雲

當塗趙炎少府粉圖山水歌

我睂高出西極天羅浮直與南溟連名公繹思揮彩筆  
驅山走海置眼前滿堂空翠如可掃赤城霞氣蒼梧烟  
洞庭瀟湘意渺綿三江七澤情洄洑驚濤洶湧向何處  
孤舟一去迷歸年征帆不動亦不旋飄如隨風落天邊

心搖目斷興難盡幾時可到三山巔西峰崢嶸噴流泉  
橫石蹙水波潺湲東厓合沓蔽輕霧深林雜樹空芊綿  
此中冥昧失晝夜隱几寂聽無鳴蟬長松之下列羽客  
對坐不語南昌仙南昌仙人趙夫子妙年歷落青雲士  
訟庭無事羅衆賓杳然如在丹青裏五色粉圖安足珍  
真仙可以全吾身若待功成拂衣去武陵桃花笑殺人

永王東巡歌十一首

永王璘明皇子也天寶十  
五年安祿山反詔璘領山

南嶺南黔中江南四道節度使十一月璘至江  
陵募士得數萬遂有窺江左意十二月引舟師

東  
巡

永王正月東出師  
天子遙分龍虎旗  
樓船一舉風波靜  
江漢翻為雁鷺池

三川北虜亂如麻  
四海南奔似永嘉  
但用東山謝安石  
為君談笑靜胡沙

雷鼓嘈嘈喧武昌  
雲旗獵獵過尋陽  
秋毫不犯三吳悅  
春日遙看五色光

龍蟠虎踞帝王州  
帝子金陵訪古丘  
春風試暖昭陽殿

明月還過鳩鵲樓

二帝巡遊俱未迴  
五陵松柏使人哀  
諸侯不救河南地  
更喜賢王遠道來

丹陽北固是吳闕  
畫出樓臺雲水間  
千巖烽火連滄海  
兩岸旌旗繞碧山

王出三山按五湖  
樓船跨海次陪都  
戰艦森森羅虎士  
征帆一一引龍駒

長風挂席勢難迴  
海動山傾古月摧  
君看帝子浮江日

何似龍驤出峽來

祖龍浮海不成橋漢武尋陽空射蛟我王樓艦輕秦漢

却似文皇欲渡遼

此首蕭士贇云是僞作

帝寵賢王入楚關掃清江漢始應還初從雲夢開朱邸

更

一作直

取金陵作小山

試借君王玉馬鞭指揮戎虜坐瓊筵南風一掃胡塵靜  
西入長安到日邊

上皇西巡南京歌十首

天寶十五載六月己亥  
祿山陷京師七月庚辰

次蜀郡八月癸巳皇太子即皇帝位於靈武十  
二月丁未上皇天帝至自蜀郡大赦以蜀郡為

京南

胡塵輕拂建章臺  
聖主西巡蜀道來  
劔壁門高五千尺  
石為樓閣九天開

九天開出一成都  
萬戶千門入畫圖  
草樹雲山如錦繡  
秦川得及此間無

華陽春樹號

一作似

新豐行入新都  
若舊宮柳色未饒秦

地綠花光不減上陽

一作林

紅

誰道君王行路難  
六龍西幸萬人歡  
地轉錦江成渭水  
天迴玉壘作長安

萬國同風共一時  
錦江何謝曲江池  
石鏡更明天上月

後宮親

一作新

得照蛾眉

濯錦清江萬里流  
雲帆龍舸下揚州  
北地雖誇上林苑  
南京還有散花樓

錦水東流繞錦城  
星橋北挂象天星  
四海此中朝聖主  
蛾眉山下列仙庭

秦開蜀道置金牛漢水元通星漢流天子一行遺聖跡  
錦城長作帝王州

水綠天青不起塵風光和暖勝三秦萬國烟花隨玉輦  
西來添作錦江春

劍閣重關蜀北門上皇歸馬若雲屯少帝長安開紫極  
雙懸日月照乾坤

峨眉山月歌

峨眉山月半輪秋影入平羌江水流夜發清溪向三峽

思君不見下渝州

峨眉山月歌送蜀僧晏入中京

我在巴東三峽

一作月

時西看明月憶峨眉月出峨眉

滄海與人萬里長相隨黃鶴樓前月華白此中忽見峨眉

看客峨眉山月還送君風吹西到長安陌長安大道橫

九天峨眉山月照秦川黃金獅子乘高座白玉麈尾談

重玄我似浮雲瑤吳越君逢聖主遊丹闕一振高名滿

帝都歸時還弄峨眉月

赤壁歌送別

二龍爭戰決雌雄  
赤壁樓船掃地空  
烈火張天照雲海  
周瑜於此破曹公  
君去滄江望一作美  
澄碧鯨鯢唐突留  
餘跡一一書來報  
故人我欲因之壯  
心魄

江夏行

憶昔嬌小姿  
春心亦自持  
為言嫁夫壻  
得免長相思  
誰知嫁商賈  
令人却愁苦  
自從為夫妻  
何曾在鄉土  
去年下揚州  
相送黃鶴樓  
眼看帆去遠  
心逐江水流  
只言期

一載誰謂歷三秋使妾腸欲斷恨君情悠悠東家西舍  
同時發北去南來不逾月未知行李遊何方作箇音書  
能斷絕適來徃南浦欲問西江船正見當壚女紅粧二  
八年一種為人妻獨自多悲悽對鏡便垂淚逢人只欲  
啼不如輕薄兒旦暮長相隨悔作商人婦青春長別離  
如今正好同懽樂君去容華誰得知

懷仙歌

一鶴東飛過滄海放心散漫知何在仙人浩歌望我來

應攀玉樹長相待堯舜之事不足驚自餘囂囂直可輕  
巨鼇莫戴三山去我欲蓬萊頂上行

玉真仙人詞

玉真之仙人時往太華峰清晨鳴天鼓颺歛騰雙龍弄  
電不輟手行雲本無蹤幾時入少室王母應相逢

清溪行

一作宣  
州清溪

清溪清我心水色異諸水借問新安江見底何如此人  
行明鏡中鳥度屏風裏向晚猩猩啼空悲遠遊子

訓殷明佐見贈五雲裘歌

我吟謝眺詩上語朔風颯颯吹飛雨謝眺已沒青山空  
後來繼之有殷公粉圖珍裘五雲色曄如晴天散彩虹  
文章彪炳光陸離應是素娥玉女之所為輕如松花落  
金粉濃似苔錦含碧滋遠山積翠橫海島殘霞飛丹暎  
江草凝毫採掇花露一作霧容幾年功成奪天造故人贈  
我我不違著令山水含清暉頓驚謝康樂詩興生我衣  
襟前林壑斂暝色袖上雲霞收夕霏羣仙長歎驚此物

千厓萬嶺相縈鬱身騎白鹿行飄飄手翳紫芝笑披拂  
相如不足誇鸛鷖王恭鶴氅安可方瑤臺雪花數千點  
片片吹落春風香為君持此凌蒼蒼上朝三十六玉皇  
下窺夫子不可及矯首相思空斷腸

臨路歌

大鵬飛兮振八裔中天摧兮力不濟餘風激兮萬世遊

扶一作搏

桑兮挂石

一作左

袂後人得之傳此仲尼亡兮誰

為出涕

古意

君為女蘿草妾作兔絲花輕條不自引為逐春風斜百  
丈託遠松纏綿成一家誰言會面一作合易各在青山厓  
女蘿發馨香兔絲斷人腸枝枝相糾結葉葉競飄揚生  
子不知根因誰共芬芳中巢雙翡翠上宿紫鴛鴦若識  
二草心海潮亦可量

山鷓鴣詞

苦竹嶺頭秋月輝苦竹南枝鷓鴣飛嫁得燕山胡雁壻

欲銜我向雁門歸  
山雞翟雉來相勸  
南禽多被北禽欺  
紫塞嚴霜如劔戟  
蒼梧欲巢難背違  
我今誓死不能去  
哀鳴驚叫淚沾衣

歷陽壯士勤將軍名思齊歌

并序 以下二首  
蕭士贇云是偽作

歷陽壯士勤將軍神力出於百夫  
則天太后召見  
竒之授遊擊將軍賜錦袍玉帶  
朝野榮之後拜橫  
南將軍大臣慕義結十友  
即燕公張說館陶公郭  
元振為首余壯之遂作詩

太古歷陽郡化為洪川在江山猶鬱盤龍虎祕光彩蓄  
洩數千載風雲何靈靈特生勤將軍神力百夫倍

草書歌行

少年上人號懷素草書天下稱獨步墨池飛出北溟魚  
筆鋒殺盡中山兔八月九月天氣涼酒徒詞客滿高堂  
牋麻素絹排數廂宣州石硯墨色光吾師醉後倚繩牀  
須臾掃盡數千張飄風驟雨驚颯颯落花飛雪何茫茫  
起來向壁不停手一行數字大如斗怳怳如聞神鬼驚

時時只見龍蛇走左盤右蹙如驚電狀同楚漢相攻戰  
湖南七郡凡幾家家屏障書題徧王逸少張伯英古  
來幾許浪得名張顛老死不足數我師此義不師古古  
來萬事貴天生何必要公孫大娘渾脫舞

和盧侍御通塘曲

君誇通塘好通塘勝耶溪通塘在何處遠在尋陽西青  
蘿孌孌挂烟樹白鷗處處聚沙堤石門中斷平湖出百  
丈金潭照雲日何處滄浪垂釣翁鼓櫂漁歌趣非一相

逢不相識出沒繞通塘浦邊清水明素足別有浣沙吳  
女郎行盡綠潭潭轉幽疑是武陵春碧流秦人雞犬桃  
花裏將比通塘渠見羞通塘不忍別十去九遲回偶逢  
佳境心已醉忽有一鳥從天來月出青山送行子四邊  
苦竹秋聲起長吟白雪望星河雙垂兩足揚素波梁鴻  
德耀會稽日寧知此中樂事多

御定全唐詩卷一百六十七

欽定四庫全書薈要卷一萬七千五百七十三

集部

御定全唐詩卷一百六十八

李白

贈孟浩然

吾愛孟夫子風流天下聞  
紅顏棄軒冕白首卧松雲  
醉月頻中聖迷花不事君  
高山安可仰徒此揖清芬

贈從兄襄陽少府皓

結髮未識事所交盡豪雄  
却秦不受賞擊晉

一作趙

寧為

功

一本此下有脫身白刃裏殺人紅塵中當朝揖高義舉世稱英雄四句

小節豈足言退

耕春陵東歸來無產業生事如轉蓬一朝烏裘敝百鎰黃金空彈劔徒激昂出門悲路窮吾兄青雲士然諾聞諸公所以陳片言片言貴情通棗華儻不接甘與秋草同

淮海對雪贈傅靄

一作淮南對雪贈孟浩然

朔雪落吳天從風渡溟渤海樹成陽春江沙浩明月

一本

此下有飄飄四荒外想像千花發  
瑶草生階墀玉塵散庭闕四句

興從剡溪起思繞梁

園發寄君郢中歌曲罷心斷絕

一本此四句作剡溪興空在郢路歌未歇寄君

梁父吟曲  
盡心斷絕

贈徐安宜

白田見楚老歌詠徐安宜製錦不擇地操刀良在茲清  
風動百里惠化聞京師浮人若雲歸耕種滿郊岐川光  
淨麥隴日色明桑枝訟息但長嘯賓來或解頤青橙一作  
槐拂戶牖白水流園池遊子滯安邑懷恩未忍辭翳君  
樹桃李歲晚託深期

贈任城盧主簿

海鳥知天風竄身魯門東  
臨觴不能飲矯翼思凌空  
鐘鼓不為樂烟霜誰與同  
歸飛未忍去流淚謝鴛鴻

早秋贈裴十七仲堪

遠海動風色吹愁落天涯  
南星變大火熱氣餘丹霞  
光景不可迴六龍轉天車  
荆人泣美玉魯叟悲匏瓜  
功業若夢裏撫琴發長嗟  
裴生信英邁屈起多才華  
歷抵海岱豪結交魯朱家  
復攜兩少女豔色驚荷葩

一作花

雙歌

入青雲但惜白日斜窮濱出寶貝大澤饒龍蛇明主儻  
見收烟霞路非賒時命若不會歸應鍊丹砂一作知飛  
萬里道勿

使歲  
寒嗟

贈范金卿二首

君子枉清盼不知東走迷離家來幾月絡緯鳴中閨桃  
李君不言攀花願成蹊那能吐芳信惠好相招攜我有  
結綠珍久藏濁水泥時人棄此物乃與燕珉齊撫拭欲  
贈之申眷路無梯遼東慙白豕楚客羞山雞徒有獻芹

心終流泣玉啼祇應自索漠留舌示山妻

范宰不買名弦歌對前楹為邦默自化日覺冰壺清百  
里雞犬靜千廬機杼鳴浮人少蕩析愛客多逢迎遊子  
覩嘉政因之聽頌聲

贈瑕丘王少府

皎皎鸞鳳姿飄飄神仙氣梅生亦何事來作南昌尉清  
風佐鳴琴寂寞道為貴一見過所聞操持難與羣毫揮  
魯邑訟目送瀛洲雲我隱屠釣下爾當玉石分無由接

高論空此仰清芬

東魯見狄博通

去年別我向何處有人傳道遊江東  
謂言挂席度滄海却來應是無長風

見京兆韋參軍量移東陽二首

潮水還歸海流人却到吳相逢問愁苦  
淚盡日南珠聞說金華渡東連五百灘  
全勝若耶好莫道此行難  
援嘯千谿合松風五月寒  
他年一攜手搖艇入新安

贈丹陽橫山周處士惟長

周子橫山隱開門臨城隅連峯入戶牖勝槩凌方壺時  
作白紵詞放歌丹陽湖水色傲溟渤川光秀菰蒲當其  
得意時心與天壤俱閒雲隨舒卷安識身有無抱石耻  
獻玉沈泉笑探珠羽化如可作相攜上清都

玉真公主別館苦雨贈衛尉張卿二首

秋一作愁

坐金張館繁陰晝不開空烟迷雨色蕭颯望中

來翳翳昏墊苦沈沈憂恨催清秋何以慰白酒盈吾杯

吟詠思管樂此人已成灰獨酌聊自勉誰貴經綸才彈  
劍謝公子無魚良可哀

苦雨思白日浮雲何由卷稷卨和天人陰陽乃一作仍驕

蹇秋霖劇倒井昏霧橫絕巘欲往咫尺塗遂成山川限

淒淒奔溜聞一作瀉浩浩驚波轉泥沙塞中途牛馬不可

辨飢從漂母食閒綴羽陵簡園家逢秋蔬藜藿不滿眼

蠨蛸結思幽蟋蟀傷福淺厨竈無青煙力机生綠蘚投

筓解鷓鴣換酒醉北堂丹徒布衣者慷慨未可量何時

黃金盤一斛薦檳榔功成拂衣去搖曳滄洲傍

贈韋祕書子春二首

谷口鄭子真躬耕在巖石高名動京師天下皆籍籍斯  
人竟不起雲臥從所適苟無濟代心獨善亦何益惟君  
家世者偃息逢休明談天信浩蕩說劍紛縱橫謝公不  
徒然起來為蒼生祕書何寂寂無乃羈豪英且復歸碧  
山安能戀金闕舊宅樵漁地蓬蒿已應沒却顧女几峯  
胡顏見雲月

徒為風塵苦一官已白鬚氣同萬里合訪我來瓊都披  
雲覩青天捫蝨話良圖留侯將綺里出處未云殊終與  
安社稷功成去五湖

一本二詩  
合作一首

贈韋侍御黃裳二首

太華生長松亭亭凌霜雪天與百尺高豈為微颺折桃  
李賣陽豔路人行且迷春光掃

一作  
拂

地盡碧葉成黃泥

願君學長松慎勿作桃李受屈不改心然後知君子

見君乘驄馬知上太山

一作  
行

道此地果摧輪全身以為

寶我如豐年玉棄置秋田草但勗冰壺心無為嘆衰老

贈薛校書

我有吳越曲無人知此音姑蘇成蔓草麋鹿空悲吟未  
誇觀濤作空鬱釣鼇心舉手謝東海虛行歸故林

贈何七判官昌浩

有時忽惆悵匡坐至夜分平明空嘯唳思欲解世紛心  
隨長風去吹散萬里雲羞作濟南生九十誦古文不然  
拂劍起沙漠收奇勲老死阡陌間何因揚清芬夫子今

管樂英才冠三軍終與同出處豈將沮溺羣

讀諸葛武侯傳書懷贈長安崔少府叔封昆季

漢道昔云季羣雄方戰爭霸圖各未立割據資豪英赤  
伏起顏運臥龍得孔明當其南陽時隴畝躬自耕魚水  
三顧合風雲四海生武侯立岷蜀壯志吞咸京何人先  
見許但有崔州平余亦草間人頗懷拯物情晚途值子  
玉華髮同衰榮託意在經濟結交為弟兄毋令管與鮑  
千載獨知名

贈郭將軍

將軍少年出武威

一作豪蕩  
有英威

入一作昔

掌銀臺護紫微平

明拂劍朝天去薄暮垂鞭醉酒歸  
愛子臨風吹玉笛美人向月舞羅衣  
疇昔雄豪如夢裏相逢且欲醉春暉

一作

今日相逢俱失路  
何年灞上弄春暉

駕去溫泉後贈楊山人

少年落魄楚漢間風塵蕭瑟多苦顏  
自言管葛竟誰許長吁莫錯還閉關  
一朝君王垂拂拭剖心輸丹雪胸臆

忽蒙白日回景光直上青雲生羽翼幸陪鸞輦出鴻都  
身騎飛龍天馬駒王公大人借顏色金璋紫綬來相趨  
當時結交何紛紛片言道合惟有君待吾盡節報明主  
然後相攜臥白雲

溫泉侍從歸逢故人

漢帝長楊苑誇胡羽獵歸子雲叨侍從獻賦有也輝激  
賞搖天筆承恩賜御衣逢君奏明主他日共翻飛

贈襄十四

朝見裴叔則朗如行玉山  
黃河落天走東海萬里寫入  
胸懷間身騎白黿不敢度  
金高南山買君顧裴回六合  
無相知飄若浮雲且西去

贈崔侍郎

黃河二一作尺鯉本在孟津居  
點額不成龍歸來伴凡

魚故人東海客一見借吹噓  
風濤儻相見一作更欲凌

崑墟一本此下有何當赤車  
使再往召相如二句

述德兼陳情上哥舒大夫

天為國家孕英才森森矛戟擁靈臺  
浩蕩深謀噴江海縱橫逸氣走風雷  
丈夫立身有如此一呼三軍皆披靡  
衛青謾作大將軍白起真成一豎子

雪讒詩贈友人

嗟予沈迷猖獗已久五十知非古人常有立言補過庶  
存不朽包荒匿瑕蓄此頑醜月出致譏貽愧皓首感悟  
遂晚事往日遷白璧何辜青蠅屢前羣輕折軸下沈黃  
泉衆毛飛骨上凌青天萋斐暗成貝錦粲然泥沙聚埃

珠玉不鮮洪燄爍山發自織煙蒼波蕩日起于微消交

亂四國播于八埏拾塵掇蜂疑聖猜賢哀哉悲夫誰察

予之貞堅彼婦人之猖狂不如鵲之彊彊彼婦人之浮

昏不如鶉之奔奔坦蕩

一作皎皎

君子無悅簧言擢髮續

一作

續

罪罪乃孔多傾海流惡惡無以過人生實難逢此織

羅積毀銷金沈憂作歌天未喪文其如余何妲已滅紂

褒女惑周天維蕩覆職此之由漢祖呂氏食其在傍秦

皇太后毒亦淫荒螭竦作昏遂掩太陽萬乘尚爾匹夫

何傷辭殫意窮心切理直如或妄談昊天是殛子野善  
聽離婁至明神靡遁響鬼無逃形不我遐棄庶昭忠誠  
贈參寥子

白鶴飛天書南荆訪高士五雲在峴山果得參寥子翫  
髣髴故園昂藏入君門天子分玉帛百官接話言毫墨  
時灑落探玄有竒作著論窮天人千春祕麟閣長揖不  
受官拂衣歸林巒余亦去金馬藤蘿同所歡相思在何  
處桂樹青雲端

贈饒陽張司戶燧

朝飲蒼梧泉夕棲碧海煙寧知鸞鳳意遠託椅桐前慕  
藺豈曩古攀嵇是當年愧非黃石老安識子房賢功業  
嗟落日容華棄徂川一語已道意三山期著鞭蹉跎人  
間世寥落壺中天獨見遊物祖探元窮化先何當共攜  
手相與排冥筌

贈清漳明府姪聿

我李百萬葉柯條布中州天開青雲器日為蒼生憂小

邑且割雞大刀佇烹牛雷聲動四境惠與清漳流弦歌  
詠唐堯脫落隱簪組心和得天真風俗猶太古牛羊散  
阡陌夜寢不扃戶問此何以然賢人宰吾土舉邑樹桃  
李垂陰亦流芬河堤繞綠水桑柘連青雲趙女不治容  
提籠晝成羣綠絲鳴機杼百里聲相聞訟息鳥下堦高  
臥披道帙蒲鞭挂簷枝示耻無撲扶琴清月當戶人寂  
風入室長嘯無一言陶然上皇逸白玉壺冰水壺中見  
底清清光洞毫髮皎潔照羣情趙北美佳政燕南播高

名過客覽行謠因之誦德聲

贈臨洺縣令皓弟

時被訟  
停官

陶令去彭澤茫然太古心  
大音自成曲但秦無弦琴  
釣水路非遠連黿意何深  
終期龍伯國與爾相招尋

贈郭季鷹

河東郭有道於世若浮雲  
盛德無我位清光獨暎君  
耻將雞並食長與鳳為羣  
一擊九千仞相期凌紫氛

鄴中贈王大

一作鄴中王大勸入  
高鳳石門山幽居

一身竟無託，遠與孤蓬征。千里失所依，復將落葉并。中  
途遇良朋，問我將何行。欲獻濟時策，此心誰見明。君王  
制六合，海塞無交兵。壯士伏草間，沈憂亂縱橫。飄飄不  
得意，昨發南都城。紫燕櫪下一作嘶，青萍匣中鳴。投軀  
寄天下，長嘯尋豪英。耻學瑯琊人，龍蟠事躬耕。富貴吾  
自取，建功及春榮。我願執爾手，爾方達我情。相知同一  
已，豈惟弟與兄。抱子弄白雲，琴歌發清聲。臨別意難盡，  
各希存令名。

贈華州王司士

淮水不絕濤瀾高盛德未泯生英髦  
知君先負廟堂器  
今日還須贈寶刀

贈盧徵君昆弟

明主訪賢逸雲泉今已空  
二盧竟不起萬乘高其風  
河上喜相得壺中趣每同滄州  
即此地觀化遊無窮  
水落海上清一作青  
鼇背覩方蓬與君弄  
倒景携手凌星虹

贈新平少年

韓信在淮陰少年相欺凌屈體若無骨壯心有所憑一  
遭龍顏君嘯咤從此興千金荅漂母萬古共嗟稱而我  
竟何為寒苦坐相仍長風入短袂兩手如懷冰故友不  
相恤新交寧見矜催殘檻中虎羈紲韝上鷹何時騰風  
雲搏擊申所能

贈崔侍郎

一作御

長劍一杯酒男兒方寸心洛陽因劇孟託宿話胸襟但  
仰山嶽秀不知江海深長安復攜手再顧重千金君乃

輜軒

一作軒轅

佐予叨翰墨林高風摧秀木虛彈落驚禽不

取回舟興而來命駕尋扶搖應借力桃李願成陰笑吐  
張儀舌愁為莊舄吟誰憐明月夜腸斷聽秋砧

走筆贈獨孤駙馬

都尉朝天躍馬歸香風吹人花亂飛銀鞍紫鞵照雲日  
左顧右盼生光輝是時僕在金門裏待詔公車謁天子  
長揖蒙垂國士恩壯心剖出酬知己一別蹉跎朝市間  
青雲之交不可攀儻其公子重回顧何必侯嬴長抱關

贈嵩山焦鍊師 并序

嵩丘有神人焦鍊師者不知何許婦人也又云生  
於齊梁時其年貌可稱五六十常胎息絕穀居少  
室廬遊行若飛倏忽萬里世或傳其入東海登蓬  
萊竟莫能測其往也余訪道少室盡登三十六峯  
聞風有寄灑翰遙贈

二室凌青天三花含紫煙中有蓬海客宛疑麻姑仙道  
在喧莫染跡高想已綿時餐金鷲藥

一作  
蛾藥

屢讀青

一作  
古

苔篇八極恣遊憩九垓長周旋下瓢酌潁水舞鶴來伊  
川還歸空山上獨拂秋霞眠蘿月挂朝鏡松風鳴夜弦  
潛光隱嵩嶽鍊魄棲雲幄霓裳一作衣何飄飄一作姜鳳吹  
轉繇邈願同西王母下顧東方朔紫書儻可傳銘骨誓  
相學

口號贈徵君鴻

此公時  
被徵

陶令辭彭澤梁鴻入會稽我尋高士傳君與古人齊雲  
卧留丹壑天書降紫泥不知楊伯起早晚向關西

上李邕

大鵬一日同風起，搏搖直上九萬里。  
假令風歇時下來，猶能簸却滄溟水。  
世人見我恆殊調，聞余大言皆冷笑。  
宣父猶能畏後生，丈夫未可輕年少。

此首蕭士贇云是偽作

贈張公洲革處士

列子居鄭圃，不將衆庶分。  
革侯遁南浦，常恐楚人聞。  
抱甕灌秋蔬，心閒遊天雲。  
每將瓜田叟，耕種漢水濱。  
時登張公洲，入獸不亂羣。  
井無桔槔事，門絕刺繡文。  
長揖二

千石遠辭百里君斯為真隱者吾黨慕清芬

御定全唐詩卷一百六十八

欽定四庫全書薈要卷一萬七千五百七十四

集部

御定全唐詩卷一百六十九

李白

秋日鍊藥院鑷白髮贈元六兄林宗

木落識歲秋，瓶冰知天寒。  
桂枝日已綠，拂雪凌雲端。  
弱齡接光景，矯翼攀鴻鸞。  
投分三十載，榮枯同所歡。  
長吁望青雲，鑷白坐相看。  
秋顏入曉鏡，壯髮凋危冠。  
窮與鮑生賈，饑從漂母餐。  
時來極天人，道在豈吟嘆。  
樂毅方適

趙蘇秦初說韓卷舒固在我何事空摧殘

書情贈蔡舍人雄

嘗高謝太傅

一作嘗聞謝安石

攜妓東山門楚舞醉碧雲吳歌

斷清猿暫因蒼生起談笑安黎元余亦愛此人丹霄冀

飛翻遭逢聖明主敢進興亡言

一本此下有蛾眉積謔妬魚目唾璣璠二句

白璧竟何辜

一作本無瑕

青蠅遂成冤一朝去京國十載客

梁園猛犬吠九關殺人憤精魂皇穹雪冤枉白日開氛  
昏泰階得夔龍桃李滿中原倒海索明月凌山採芳蓀

媿無橫草功，虛負雨露恩。  
跡謝雲臺閣，心隨天馬轅。  
夫子王佐才，而今復誰論。  
層飈振六翮，不日思騰鶩。  
我縱五湖櫂，煙濤恣崩奔。  
夢釣子陵湍，英風一作芬緬猶存。彼

一作徒希客星，隱弱植不足。  
援千里一迴首，萬里一長歌。

黃鶴不復來，清風愁奈何。  
舟浮瀟湘月，山倒洞庭波。  
投汨笑古人，臨濠得天和。  
閒時田畝中，搔背牧雞鶩。  
別離解相訪，應在武陵多。

憶襄陽舊遊贈馬少府巨

昔為大堤客曾上山公樓開牕碧嶂滿拂鏡滄江流高  
冠佩雄劍長揖韓荊州此地別夫子今來思舊遊朱顏  
君未老白髮我先秋壯志恐蹉跎功名若雲浮歸心結  
遠夢落日懸春愁空思羊叔子墮淚峴山頭

一作何時  
共攜手更

醉峴  
山頭

對雪獻從兄虞城宰

昨夜梁園裏弟寒兄不知庭前看玉樹腸斷憶連枝

訪道安陵遇蓋還為余造真錄臨別畱贈

清水見白石仙人識青童安陵蓋夫子十歲與天通懸  
河與微言談論安可窮能令二千石撫背驚神聰揮毫  
贈新詩高價掩山東至今平原客感激慕清風學道北  
海仙傳書藥珠宮丹田了玉闕白日思雲空為我草真  
籙天人慙妙工七元洞豁落八角輝星虹三災蕩璿璣  
蛟龍翼微躬舉手謝天地虛無齊始終黃金滿高堂苔  
荷難克充下笑世上士沉魂北羅鄴昔日萬乘墳今成  
一科蓬贈言若可重實此輕華嵩

贈崔郎中宗之

時謫官  
金陵

胡雁拂海翼，翔鳴素秋驚。  
雲辭沙朔飄，蕩迷河洲。  
有如飛蓬人，去逐萬里遊。  
登高望浮雲，彷彿如舊丘。  
日從海傍沒，水向天邊流。  
長嘯倚孤劍，目極心悠悠。  
歲晏歸去來，富貴安可求。  
仲尼七十說，歷聘莫見收。  
魯連逃千金，珪組豈可酬。  
時哉苟不會，草木為我儔。  
希君同携手，長往南山幽。

贈崔諮議

綠驥本天馬素非伏櫪駒長嘶向清風倏忽凌九區何  
言西北至却走東南隅世道有翻覆前期難豫圖希君  
一翦拂猶可騁中衢

贈昇州王使君忠臣

六代帝王國三吳佳麗城賢人當重寄天子借高名巨  
海一邊靜長江萬里清應須救趙策未肯棄侯嬴

贈別從甥高五

魚目高泰山不如一瑛璠賢甥即明月聲價動天門能

成吾宅相不減魏陽元自顧寡籌略功名安所存五木

思一擲如繩繫窮猿櫪中駿馬空堂上醉人喧黃金久

已罄為報故交恩聞君隴西行使我驚心魂與爾共飄

颯雲天各飛翻江水流或卷此心難具論貧家一作居羞

好客語拙覺辭繁三朝空錯莫對飯一作飲却慚寃自笑

我非夫生事多契闊蓄積萬古憤向誰得開豁天地一

浮雲此身乃毫末忽見無端倪太虛可包括去去何足

道臨歧空復愁肝膽不楚越山河亦衾裯雲龍若相從

明主會見收成功解

一作若

相訪溪

一作綠

水桃花流

贈裴司馬

翡翠黃金縷繡成歌舞衣若無雲間月誰可比光輝秀  
色一如此多為衆女譏君恩移昔愛失寵秋風歸愁苦  
不窺隣泣上流黃機天寒素手冷夜長燭復微十日不  
滿匹鬢蓬亂若絲猶是可憐人容華世中稀向君發皓  
齒顧我莫相違

叙舊贈江陽宰陸調

泰伯讓天下仲雍揚波濤清風蕩萬古跡與星辰高開  
吳食東溟陸氏世英髦多君秉古節嶽立冠人曹風流  
少年時京洛事遊遊腰間延陵劍玉帶明珠祀我昔鬪  
雞徒連延五陵豪邀遮相組織呵嚇來煎熬君開萬叢  
人鞍馬皆辟易告急清憲臺脫余北門厄間宰江陽邑  
翦棘樹蘭芳城門何肅穆五月飛秋霜好鳥集珍木高  
才列華堂時從府中歸絲管儼成行但苦隔遠道無由  
共銜觴江北荷花開江南楊梅熟正好飲酒時懷賢在

心目掛席拾海月乘風下長川多沾新豐醪滿載剡溪

船中途不遇人直到灞門前大笑同一醉取樂平生年

一本作太伯讓天下仲雍揚波濤清風蕩萬古跡與星  
辰高開吳食東溟陸氏世英髦夫子特峻秀岳立冠人  
曹風流少年時京洛事遊遨驂驛紅陽燕玉劍明珠袍  
一諾許他人千金雙錯刀滿堂青雲士望美期丹霄我  
昔北門厄摧如一枝蒿有虎挾雞徒連延五陵豪邊遮  
來組織呵嚇相煎熬君披萬人叢脫我如狻牢此恥竟  
未刷且食綏山桃非天雨文章所祖託風騷蒼蓬老壯  
髮長策未逢遭別君幾何時君無相思否鳴琴坐高樓  
淥水淨窓牖政成聞雅頌人吏皆拱手投刃有餘地迴  
車攝江陽錯雜非易理先威挫豪強城門何肅穆五月  
飛秋霜好鳥集珍木高才列華堂時從府中歸絲管儼  
成行但苦隔遠道無由共銜觴江北荷花開江南楊梅

鮮挂席拾海月乘風下長川多沽新豐醪滿載剡溪船  
中途不遇人直到爾門前大笑同一醉取樂平生年

贈從孫義興宰銘

天子思茂宰天技得英才朗然清秋月獨出映吳臺落  
筆生綺繡操刀振風雷蠖屈雖百里鵬騫望三台退食  
無外事琴堂向山開綠水寂以閒白雲有時來河陽富  
奇藻彭澤縱名杯所恨不見之猶如仰昭回元惡昔滔  
天疲人散幽草驚川無活鱗舉邑罕遺老誓雪會稽恥  
將奔宛陵道亞相素所重投刃應桑林獨坐傷激揚神

融一開襟弦歌欣再理和樂醉人心蠹政除害馬傾巢  
有歸禽壺漿候君來聚舞共謳吟農人棄蓑笠蠶女墮  
纓簪歡笑相拜賀則知惠愛深  
亞相李公重之以能政  
中丞李公免罷以移官  
歷職吾所聞稱賢爾為最化洽一邦上名馳三江外峻  
節貫雲霄通方堪遠大能文變風俗好客畱軒蓋他日  
一來遊因之巖光瀨

草創大還贈柳官迪

天地為橐籥周流行太易造化合元符交媾騰精鬼自

然成妙用孰知其指的羅絡四季間綿微無一隙日月

更出沒雙光豈云隻姹女乘河車黃金充轅軛執樞相

管轄摧伏傷羽翮朱鳥張炎威白虎守本宅相煎成苦

老消鑠凝津液髣髴明窓塵死灰同至寂擣一作鑄冶入

赤色十二周律厯赫然稱大還與道本無隔白日可撫

弄清都在咫尺北艷落死名南斗上生籍抑予是何者

身在方士格才術信縱橫世途自輕擲吾求仙棄俗君

曉損勝益不向金闕遊思為玉皇客鸞車速風電龍騎

無鞭策一舉上九天相攜同所適

贈崔司戶文昆季

雙珠出海底俱是連城珍  
明月兩特達餘輝傍照人  
英聲振名都高價動殊鄰  
豈伊箕山故特以風期親  
惟昔不自媒擔簦西入秦  
攀龍九天上忝列歲星臣  
布衣侍丹墀密勿草絲綸  
才微惠渥重讒巧生緇磷  
一去已十載今來復盈旬  
清霜入曉鬢白露生衣巾  
側見綠水亭開門列華茵  
千金散義士四坐無凡賓  
欲折月中桂持

一作持

為寒者薪路傍已竊笑天路將何因垂恩儻丘山  
報德有微身

贈溧陽宋少府陟

李斯未相秦且逐東門兔宋玉事襄王能為高唐賦常  
聞綠水曲忽此相逢遇掃灑青天開豁然披雲霧歲糝  
紫鸞鳥巢在崑山樹驚風西北吹飛落南溟去早懷經  
濟策特受龍顏顧白玉棲青蠅君臣忽行路人生感分  
義貴欲呈丹素何日清中原相期廓天步

戲贈鄭溧陽

陶令日日醉不知五柳春素琴本無弦漉酒用葛巾清  
風北牕下自謂羲皇人何時到栗里一見平生親

贈僧崖公

昔在朗陵東學禪白眉空大地了鏡徹迴旋寄輪風攬  
彼造化力持為我神通晚謁泰山君親見日沒雲中夜  
臥山月一作夜臥拂衣逃人羣授余金仙道曠劫未始  
聞冥機發天光獨朗謝垢氛虛舟不繫物觀化遊江濱

江濱遇同聲道崖乃僧英說法動海嶽遊方化公卿手  
秉玉塵尾如登白樓亭微言注百川壘壘信可聽一風  
鼓羣有萬籟各自鳴啟閉八牕牖託宿掣電霆自言歷  
天台搏壁躡翠屏凌兢石橋去恍惚入青冥昔往今來  
歸絕景無不經何日更携手乘杯向蓬瀛

遊溧陽北湖亭望瓦屋山懷古贈同旅

一作贈  
孟浩然

朝登北湖亭遙望瓦屋山天清白露下始覺秋風還遊  
子託主人仰觀眉睫間目色送飛鴻邈然不可攀長吁

相勸勉何事來吳關聞有貞義女振窮溧水灣清光了  
在眼白日如披顏高墳五六墩萃兀棲猛虎遺跡翳九  
泉芳名動千古子胥昔乞食此女傾壺漿運開展宿憤  
入楚鞭平王凜列天地間名若懷霜壯夫或未達十  
步九太行與君拂衣去萬里同翱翔

醉後贈從甥高鎮

馬上相逢揖馬鞭客中相見客中憐欲邀擊筑悲歌飲  
正值傾家無酒錢江東風光不借人枉殺落花空自春

黃金逐手快意盡昨日破產今朝貧丈夫何事空嘯傲  
不如燒却頭上巾君為進士不得進我被秋霜生旅鬢

時清不及英豪人三尺童兒重廉藺匣中盤劍裝

錯音

又音

魚閒在腰間未用渠且將換酒與君醉醉歸託宿

吳專諸

贈秋浦柳少府

秋浦舊蕭索公庭人吏稀因君樹桃李此地忽芳菲  
搖筆望白雲開簾當翠微時來引山月縱酒酣清暉而我

愛夫子淹留未忍歸

贈崔秋浦三首

吾愛崔秋浦宛然陶令風  
門前五楊柳井上二梧桐  
山鳥下廳事簷花落酒中  
懷君未忍去惆悵意無窮

崔令學陶令北牕常晝眠  
抱琴時弄月取意任無弦  
見客但傾酒為官不愛錢  
東臯春事起種黍早歸田

一作東臯

多種黍勸爾早耕田

河陽花作縣秋浦玉為人  
地逐名賢好風隨惠化春水

從天漢落山逼畫屏新應念金門客投沙弔楚臣

望九華贈青陽韋仲堪

昔在九江上遙望九華峰天河掛綠水秀出芙蓉我  
揮手誰人可相從君為東道主於此臥雲松



御定全唐詩卷一百六十九



總校官庶吉士 臣張能照

校對官檢討 臣蕭九成

謄錄監生 臣李本

謄錄舉人 臣張昱

財團  
法人  
佛陀  
教育  
基金  
會  
釋淨  
空  
敬贈